

東臺縣志卷之二十六 傳七

篤行

有言必信有行必篤弗習於華寧守其璞遠瑗暗
行顏淵夜浴容節不改斯風可淑敬錄芳徽無玷
簡竹庶幾觀德式振靡俗志篤行

明

季鎬字文弼安豐人庠生成化特與選經明行修天性
孝友恒以敦倫厚俗為務立族譜嚴祭祀里中婚喪
宴會得鎬一顧為榮

王江字紀芳安豐人良之父

良見儒林傳

少喜任俠中年更

東臺縣志

卷之二十六

篤行

一

樂善不倦古樸坦夷壽九十三臺使請於朝歲給粟
帛分司周汝登題其像曰心齋之生聞氣所鍾生心
齋者聞氣所從厥後何自九十三翁是孟孫氏是程
大中丹青雖巧若為施工洋洋海水秦州之東千秋

百代永鑒斯容

以上秦州志

楊寶安豐人性恭謹事母至孝每得一新味未奉母不
敢嘗也嘗坐室中聞呼殿聲過門即起立中庭俟既
遠乃復坐曰吾父母官也或謂彼不之見胡致敬為
曰彼目不見我我心則見彼心可欺耶平居以布為
巾精垂老不衣帛語人曰寶布衣也分不可踰行步

整飭不以急遽廢禮遇童子亦端揖無怠容年七十
七臨歿沐浴着深衣幅巾端坐中堂遺言訓子弟上
良雅重之

徐演字秉淵周卜莊人演賦性寬和好行其德恂恂有
長者風嘗歲宴親朋盤盂多珍飾隣有陶姓者使酒
突至持其盤盂去演闔門與賓客懽飲自若詰旦醉
者悟以盤盂頂謝演手扶之起一笑而罷一日命子
糴麥西溪鎮夜爲人竊舟去偷兒不知舟自演所翼
日復操舟至演所賣之演識之保甲者將之官演曰
吾旣已得舟矣奚訟爲其人泣謝去晚歲喜農事杜

東臺縣志

卷之二十六 篤行

二

門不之城市年八十有六無疾而終以孫蕃貴贈通
議大夫右副都御史

王之垣字得師良長孫廩於庠娶陳氏年十九病瘵懋
日雙瞽陳欲爲畜妾垣力辭未幾生子陳早卒垣題
其寢室云松作正人不妨霜雪蓮爲君子亦自污泥
遂終身不娶按院高攀枝高其誼請於朝歲給米帛
歿後配享崇儒祠

王頌師事從父襍

見儒林傳

纂修族譜捐財以濟貧者嘗得

遺金訪還其人里中疫癘大行施棺百餘具

黃輔字相之安豐人少多材藝不自以爲能人有善汲

汲稱之惟恐不聞於人其居心如此

丁勳字守臣安豐人樂善不倦與人無爭一時稱爲長者

韓琢安豐人束修自飭臨財不苟撫兄弟之子如子貲產毫無所偏里人咸以友愛推之

王宏毅師事仲兄襍講明良知之學晚年怡情詩酒節操凜然

吳旦安豐人師事王襍亦明於良知之學家貧不治生計一室蕭然絃歌自若

王宏器安豐人早年好學倡衆纂修族譜慕賢樂善壽

東臺縣志

卷之二十六

篤行

三

七十五

王卿安豐人生而敏慧力敦孝友銳志理學

吳本元安豐人立心公普凡有利於衆者奮身直前不計利害鄉人倚重之

王嘉令號仰菴安豐人辰之孫

辰見尚義傳

少孤貧織菅作

苦數十年積貲累巨萬力行善事賙親族助婚葬贈行旅讓弟及從子田宅至施櫬修橋梁濬五倉河發七里街所費不貲皆獨力任之先是嘉靖閒角斜場以潮變派本場代辦鹽一千七十引歲納課二百十四兩有奇經五十餘年嘉令出身告復始得免其勇

於爲義如此嘗除夕袖金坐市門見所知過者察其
窘分別贈之歲以爲常一日行揚州市一丈夫僕從
甚都遇嘉令驚謝其人自言嘗困逆旅得嘉令資以
十金去今爲賈致富故來報德而嘉令漫不省記終
辭其金壽八十九時同場杜世泰亦有除夕贈金事
吳天錫安豐人動履正直嘉靖時巡撫鄒應龍舉爲揚
州府鄉飲大賓升歌之日輿情協然

王士閑安豐人循循雅度和氣藹然居平以敦族化俗
多所感悟力任心齋祠事經營拮据賴以有成

周魁字文魁安豐人性篤實潛心理學身體力行與弟
文常相愛敬鄉里化之

東臺縣志

卷之二十六

篤行

四

吳斐安豐人庠生篤慎謹守閉戶闇修生平足跡未嘗
一至公庭里人重之

王子孟臣安豐人端方謙謹不苟言笑生平以誠信待人
歷終身如一日

杜汲安豐人端方嚴正臨事不苟目不知有富貴里人
多畏而憚焉

周瓊安豐人舉動方嚴鄉里奉爲楷模年八十州舉鄉
飲賓辭不赴頒賜及其門亦殊典也

袁正山安豐人庠生六十無嗣娶某女爲妾知其女已

先受他聘卽還之壽八十七

周長道人海濱煮鹽戶椎魯人也逸其名修長有膂力以其軀偉而嗜善故人皆呼爲長道人家貧無妻子食力以度日每售鹽得值見貧窶者卽脫手與之羣兒或攘取其鹽陽爲不見而去焉有佃戶碎其主鐵而攜子以償者周代償主鐵還其子嘗有姦僧宿其家盡竊其所有以去爲官司所得僧自供及逮周以証周乃曰我令其市器物也僧得釋有少年持偽券索其逋周視曰誠然身適有鹽值但尙不酬數姑受此餘以俟異日可乎少年笑曰聊戲耳庸有是所居

東臺縣志

卷之二十六

篤行

五

宅瀕水有積薪夜有人涉河竊薪翌日悉移置彼岸聽其自取一日暮歸見偷兒方入室反走匿草中俟其久取物去始入鄰人悉嗤之而周自若也行之旣久終不見其有矯飾後不知所終

以上舊
十場志

周命新字明寰安豐人少有聲譽序安豐俗偷薄好訐訟新秉性端方凡行有不正者必勸諭之與弟命時友愛讀書好道有戒殺文感應篇註疏

秦州志

災完字大有富安人少喪父母疏食三年治家嚴謹慎交遊重然諾全寡妹節完亭民婚獻社學地毀族田券喜讀朱子小學常置一編於側

採儲噉墓志

程悌富安人性篤厚屢捐粟賑饑嘗有穿窬入其室家人獲之悌哀其窮厚贈遣之勸令改行道拾遺金坐以俟其至還之

崔紹夷富安人爲人樸茂立志向學中年失偶不再娶壽七十餘

何桂富安人狷介自守尤究心理學至老不懈

崔舜富安人爲人質實不事浮華以禮義自持嗜學無聞寒暑

丁裕富安人廉靜自持雖窮約不給未嘗以稱貸于親族壽八十二

東臺縣志

卷之二十六

篤行

六

申棟富安人行履端方動準規矩尤究心理學壽七十餘

徐龍字雲甫富安人生有至性少喪親時懷隱痛及長能繼父業以昌其家有司給以冠帶壽七十六

丁自新富安人純龐古茂終身無疾言遠色又能善繼父志壽八十二

崔希旦富安人少曠達壯乃折節向學年八十餘無倦伯母王氏守節養之終其身

崔贊富安人生性質素中年研究理學自覺有得年八十猶孳孳不倦

翟天然本城人稟性端方與人無欺治家以嚴肅臨事不苟

沈世傑本城人篤厚仁讓和藹性成慷慨好施絕無德色至於老而無倦

翟倫本城人孝友惇篤臨財思義教授生徒有家貧不能卒業者常多方成就之

周元慶本城人存心篤厚未嘗與人有爭鄉里稱為長者壽八十四

鄧槐字棘夫本城人醇樸無偽恬退自修每遇歲凶親族貧苦者咸依倚焉壽九十四其妻亦與偕老云

東臺縣志

卷之二十六 篤行

夏期禹本城人樸實坦夷中無城府動履悉秉於禮

陸高本城人老成篤實淡於世味以廉潔自持壽九十

六

李權本城人性孝友撫育兄弟子之孤者睦族敦倫子

廷芳 見儒林 亦為醇儒

夏受本城人天性淳良以古道自處卓然不為流俗所染

周木本城人孤潔自守尤慎於臨財少涉非禮千金不易其操當時以嚴正稱之

姜果本城人謙恭謹厚事無巨細必臨之以小心故終

身無過舉

姜光祖本城人醇謹好修事親以誠更篤於行義至易簣之日不衰

夏彬本城人甘貧守義嘗值歲凶道得遺金坐待亡者還之官司給榜旌焉

沈桐本城人好施與屢捐粟賑饑嘗有偷兒入室視之則鄰人子也爲曉以大義贈金遣之卒化爲善

姜應庚本城人一生以倫常爲重居心誠篤言行相顧人多敬之

楊燭篤於藝倫

金榜温恭恬退

金樽慷慨好禮俱

東臺縣志

卷之二十六

篤行

八

何梁人

謝桂何梁人好義還金壽至八十官司給以冠帶

顧衢梁梁人庠生潔清好修契王良良知之學嘗在維揚逆旅中得遺金百兩待之三日還其人偷兒夜入室衢覺之諭以廉耻厚贈遣之有惑之以色者嚴拒弗內其守正多如此

王增梁梁人以妻許氏孝於姑而早喪終身不娶有負其財者輒焚其券至老未履公庭壽八十一

孫宗元清介自守

周文學和平樸茂

黃自新樸實

有守

徐時起愷悌温和

曹應龍坦夷和厚

孫

承業守正不阿 王錄端方有守 郭良謹厚和平

周坦廉潔自好 周賓純謹篤實 張芟和厚樂

善 朱淳生篤實好修 曹基樸茂不事浮華且篤

於義 周方質實不苟 徐時進向志理學好古不

倦 曹松嚴介自持生平未嘗二色 王昫妻亡不

娶鰥居四十餘年 曹梓與物無爭 顧時鳴曠達

喜讀書 王子儀好善樂施遇事謹飭俱梁梁人

蔡經耕茶人樸厚渾成言笑不苟正德中兩舉鄉飲大

賓

徐鈴耕茶人治家嚴肅子孫守法論事切直鄉間敬之

東臺縣志

卷之二十六 篤行

九

嘉靖時侍御洪公垣考核善惡分司舉爲善人詳鹽

法志

徐進耕茶人慷慨喜施里中有婚喪不能舉者每樂爲

助分司高儀題其門曰入孝出弟蹈仁履義志切扶

危心存康濟

繆洧耕茶人敦倫睦族急知交勵操守時場罹倭寇男

女奔竄有孔姓者裹百金藏廁中逃去洧見秘弗言

寇退召其人還之洧能文章少以經學補諸生著有

海涯集

周松字世常耕茶人豪俠好義公直無私鄉人有爭訟

者必爲排解得其一言皆斂手推服

繆三辰耕茶人處已謙和與物無競終身未嘗有疾言怒色人服其雅量

繆三綱澹泊寧靜厚重少文臨財以廉言語必信壽九十

蔡滌字雙陽耕茶人慷慨有氣節遇事不避勞怨隆慶

中運河淤塞力請於官發帑金以濬工弗竟捐私橐千金佐之鄉人有爭田構訟累歲滌悉其曲直爲言

於直指下其事府州正其疆鑄諸石爭遂寢晚年築

室落成念弟居湫隘卽欣然讓之日晉卽其孫也

東臺縣志

卷之二十六 篤行

十

見仕績傳

徐九思耕茶人少入府庠忠誠篤厚孝友性成人稱爲善士

徐貞一耕茶人博覽羣書精研名理幼繼伯父承禮爲

嗣後承禮生三子貞一能精誠感格兄弟閒毫無閒

言生平動履不苟凡與交者無論尊卑皆敬畏之年

三十二而歿妻朱氏苦節自守里人哀之

繆三台秉性方直動必以禮人莫敢干以私少年皆憚

其嚴正 繆居貴質直有守喪偶不再娶 徐鳳儀

居身簡約不干謁有司壽八十五 徐攸律身嚴介

處世和平 蔡仁謙恭篤實壽至九十俱樹芳

吳三鳳角斜人謙退自處安貧好學年七十四志猶不

衰 以上舊十場志舊鹽法志

袁沔字右川安豐人賦性磊落視天下事無不可為者

兄子楠遭場民丁某橫逆鄰少年為不平歐丁斃之

逃去丁之族遂執言沔及兄子殺人沔慨然獨任之

官司不聽罪坐楠沔百計營求閱十六年卒脫兄丁

於獄天啓中大盜王虎子招集亡命白晝殺人人莫

敢誰何沔憤甚密白場使報州府部勒里中子弟為

保甲出賊不意大破之殲其眾是役也沔功第一有

夏臺縣志 卷之二十六 篤行

十一

莊民陳麒被誣在盜籍中又為出金以計脫其難年

七十餘崇禎初卒妻丁氏見賢婦傳亦有賢行句曲張芳

合而傳之參場志本傳

田狩龍字鐘宇秦潼鎮人抱道鄉居孝友誠篤課子外

無他事兄死遺孤子撫之成人置義田義倉立家塾

年八十餘卒著有明道大意良知說誠正解樂道歌

勸學語教子格言遜菴詩集皆有益世道人心者子

三長毓葵見孝友傳次毓芝見儒林傳次顯吉毓芝子敬錫孫

廣運俱見仕績傳皆以功名起其家秦州志

徐吳富安人耀見仕績傳季父也吳養之教之如已子生平

敦倫慕義崇禎中州牧舉爲鄉飲大賓授光祿署丞
子孫均有名於庠

四朝

王本部字克任號守吾安豐人性剛方誠懇學務實踐
尤惓惓於孝弟教人以忠恕爲先貧不能卒業者力
爲扶掖之遇鄉里緩急不惜罄貲助之與人交初若
難合久則信義相孚里有訟得一言卽釋居恒不衣
冠不見子弟子弟不衣冠亦不敢來見生四子皆教
之讀書不希榮祿但期飭躬勵行而已壽九十一里
人私謚曰端毅先生

東臺縣志

卷之三十六

篤行

十一

繆奇文耕茶人性端方舉動循矩獲未嘗以造次廢禮
嘗見有鬻子女者卽時捐金贖還之竈民苦徭役莫
敢訴奇文毅然爲條疏利病罷之順治初豐利場有
于姓者女被掠至耕茶奇文捐金贖歸還其父壽八
十

陳夢兆字隆隱富安人不事詩書然循循矩步有儒者
氣象教子孫列庠序者四人多隱德其最著者嘗獨
葺學宮修家乘居恒見一善事有裨實用者必手錄
以識不忘明季曾授鴻臚署丞冠帶順治中舉鄉飲
大賓以年老堅辭壽八十三

杜日榮字春陽安豐人貢生母丁年老齒脫僅能食糜
日榮爲購參苓果餌以代膳者垂二十年朝暮焚香
稽首北斗冀延母壽雖舟車逆旅中不廢也弟日隆
蚤天撫三孤如己子遇窮阨失所者傾囊以贈無德
色當明季場境頻遭水道壅相望爲發困粟千餘斛
鳩工疏市河以蘇民困全活不可勝數後饑民嘯聚
剽掠白當事置渠魁十餘人於法自此一方有寧宇
者數十年日榮之力也場素乏科第彤家言於場東
南創奎星閣當有應卽時捐私橐構之未幾季來之
舉於鄉徐我達盛治相繼登進士順治中舉鄉飲賓
東臺縣志

卷之二十六 篤行

十三

壽九十三

練緯明尚書子寧裔也自子寧仲子宣童

見流寓傳遁迹過

江從此梁梁有練氏十餘傳至緯孝友性成從子失

怙撫同己子財產讓於兄弟對人如嚴賓語不及私

年近八十猶孳孳勤學不倦

宣童場志作吾二今從鹽法志

繆起鰲耕茶人以忠厚世其家生平尤孤潔自守未嘗

以私事入公庭順治中舉鄉飲賓分司朱給以榜曰

德重鄉評壽七十八

田士龍字春臺秦潼鎮人孝友性成品行端肅康熙四
年舉鄉飲大賓 旌之日 熙朝憲老子毓笑字卜

朔人品學問亦推重一時

秦州志

想恩榮耕茶人篤志爲學最嚴義利之辨以爲此人禽出入關晚年進修愈力康熙戊申州牧舉鄉飲大賓衆以恩榮薦子連璋俱列於庠有文名

黃啓道號志宇安豐人謙恭下人事父母甘旨必親友愛昆季明濟貧乏常施棺以助喪人多德之壽八十八

梅一魁安豐人端方和藹遇三尺童無慢容家頗豐衣冠悉從簡素嘗遇凶歲倡首捐粟以活饑民官司旌之里人舉爲約長化導一方人多趨於善旣歿私諡

東臺縣志

卷之二十六 篤行

十四

爲惠恭處士

陸一先安豐人幼肆力詩書待人以誠一切機事機心舉不入其胸中足跡未嘗一涉公府壽八十餘

盧熾號仰池富安人家世耕讀爲人質實無文以力田起家累鉅萬雖貲產饒裕而日用飲食俱有程度至親戚有急則濟之惟恐後嘗曰吾非吝財天地閒物當爲天地愛惜耳以忠厚訓誡子孫生平退讓不與人爭未嘗有睚眦之怨晚年纂修家譜立宗祠置祭田於本支之誼尤篤壽八十七臨終取逋欠積券悉焚之鄉人多感泣焉

盧應鵬號雲程熾子也愿恪謹厚如其父竟日相對不
妄發一語終身未嘗以忿怒加人年已老而承歡友
愛無異孺子不雕不琢無懷葛天之遺民也

周汝誠富安居鄉篤厚有長者風御史秦採訪善人
其說以汝誠應召見優以禮數給榜獎之

王希晉富安人恂謹樸茂言行不苟御史馬廉知其實
特命州牧徵聘如古鄉舉禮亦爲給榜

蔡嘉樂字春圃耕茶人持躬嚴峻喜與人爲善見有過
必諄諄勸導至改行而止鄉黨中有義舉多方助之
終身未嘗有欺人事人亦不忍欺之方之陳太邱云

東臺縣志

卷之二十六

篤行

十五

繆時彥耕茶人古處自好立心不欺性淳厚不露圭角
而遇事精明卽處盤錯裕如也年四十卽屏棄世務
子若孫二十三人列於庠者三四人親見四世壽近
九十

繆夢熊耕茶人愷悌子諒篤於倫理親族有窮乏者恒
多方補助嘗遇兵掠一婦人將攜之遠去其夫貧不
能贖惟隨之號泣夢熊見卽爲贖還又嘗見鄰家產
貧不能育將投諸水夢熊爲收養後以子祚官守

備得卦

以上中
十場志

君子行己之大端入則事父兄出則事君長而已

豈忠孝之外別有所謂篤行者乎第考其生平動
必以禮慎取舍重然諾施惠不求人報有古仁厚
長者之風激濁揚清茲其選也余觀場志所載類
不著事迹而標之以四字或八字之評其當否固
不可知然此風實始於東漢如曰天下模楷李元
禮不畏疆禦陳仲舉上自學校下迄鄉閭蓋自古
有之矣若夫一事一節之可取不必概其生平者
則皆入於尙義云

